


# Forskrift om skulefritidsordning i grunnskulen i Lom



# Lom

XX.XX.XXXX

# Forskrift om skulefritidsordning i Lom kommune

Heimel: Forskrifta er fastsett av kommunestyret i Lom kommune xx.xx.xxxx med heimel i lov av 9. juni 2023 nr. 30 om grunnskulen og den vidaregåande opplæringa (opplæringslova) §4-5 femte ledd.

## Målsetting

Skulefritidsordninga er eit frivillig omsorgs- og tilsynstilbod utanom den obligatoriske skuledagen for barn i 1.-4. klasse og for barn med særskilte behov i 1.-7.klasse. Innhaldet og verksemda skal vere prega av barna sitt behov for leik, tilsyn, kultur- og fritidsaktivitetar og sosial læring.

## § 1 Tilbod

Loar skule har tilbod om skulefritidsordning (SFO). Tilbodet er for barn i 1.-4. klasse og for barn med særskilte behov i 1. -7. klasse. Barn med særskilte behov har fortrinnsrett ved mangel på plassar.

## § 2 Opningstider

I tillegg til ordinære skuledagar, held SFO ope på planleggingsdagar, i haustferien, vinterferien, ut juni etter skuleslutt og frå og med veke 32 i samsvar med opningstid i barnehage. SFO er stengt i jule- og påskeferiar.

Opningstida er 0700-1630.

Kommuna har ulike SFO tilbod:

1.– 3. klasse	
Gratis kjernetid (07.45 - 15.10)	0,-
Gratis kjernetid + morgen (07.00-15.10)	Sats gjeve i gebyrregulativ
Gratis kjernetid + ettermiddag (07.45-16.30)	Sats gjeve i gebyrregulativ
Gratis kjernetid + morgen og ettermiddag (07.00-16.30)	Sats gjeve i gebyrregulativ
4. klasse	
Morgenmodell (07.00-08.30)	Sats gjeve i gebyrregulativ
Ettermiddagsmodell 1 slutt 1510	Sats gjeve i gebyrregulativ
Ettermiddagsmodell 2 slutt 1630	Sats gjeve i gebyrregulativ
Full modell(morgen+ettermiddag)	Sats gjeve i gebyrregulativ

SFO kan i tillegg ta inn barn for enkelttimar/dagar. SFO har ein planleggingsdag i året.

## § 3 Betaling

Kommunestyret fastset betalingsattsane i samband med budsjetthandsaminga kvart år.

Foreldrebetalinga blir innkravd kvar månad i samsvar med den tid eleven er påmeldt.

Betaling blir kravd for 10,5 månader. Manglande foreldrebetaling i 2 månader vil kunne føre til at eleven mister plassen.

Frå 1. august 2024 er det fritak for foreldrebetaling for 12 timar SFO per veke for elevar i 1., 2. og 3. trinn.

## § 4 Ansvar

Lom kommune er eigar. Rektor Loar skule har leiaransvar og opptaksmynde. Assistent med dagleg ansvar skal så langt som råd vere barne- og ungdomsarbeidar.

#### **§ 5 Bemanning**

Rettleiande delingstal for bemanning er 14. I tillegg kan det vere behov for ekstrahjelp til barn med spesielle behov. Dette må vurderast for kvar enkelt tilfelle, ut frå barnet sitt behov og økonomiske rammer.

#### **§ 6 Leike- og opphaldsareal**

SFO ved Loar skule held til i den delen av skulebygningane som heiter "Tripp", samt at dei har tilgang på heile utearealet til Loar skule. Etter avtale med Rektor kan dei ved behov og nytte andre skuleareal.

#### **§ 7 Inntak**

Hovudinntaket av barn skjer i vårhalvåret. Inntak elles i skuleåret kan skje i den grad dei økonomiske rammene tillet det.

#### **§ 8 Endring og oppseiing**

Fram til 1.mai er det høve til å seie opp SFO-plassen. Oppseiingstida er to månader, rekna frå fyrste heile månad.

Ved endringar i opphaldstidene skal foreldra få minst ein månads varsel. Endring i opphaldstid skal skje skriftleg.

#### **§ 9 Iverksetting og opphøyr:**

Denne forskrifta trer i kraft 01.08.2024.